

景憲先生苦口文

孫德餘敬

署



景憲先生誓口文

# 景憲先生苦口文序

嗚呼。景憲先生去世十年矣。方先生之在世也。苦口勸世。歷三十年。五年及既去世。一顯靈於滬北。再顯靈於昆陵。三顯靈於寧波之鳳山。其後江浙郡縣屢顯不一顯。卍語仍苦口不已。一如生前。凡卍錄之散見於各卍壇印本者夥矣。初先生以名諸生。歷東西兩洋。爲戊戌維新老前輩。當光緒中葉。在歐洲著泰西政要。固推重西法。謂合孔經也。及中年歸國。滇邊失望。乃深察人心不可不正。苦口勸世。時則在戊戌政變之先。新學方萌芽耳。至於晚年。飽經世故。豫解未來。懼陸沉之慘酷。懷人種之牿亡。而悱惻陳辭。不可以已矣。本社哀輯先生遺著。擇最有關於世道者。凡若干篇。編爲一集。名曰苦口文。

印行世。以廣流傳。既不沒先生在世之宏願。且公諸同志。爲後世治學南鍼。南翔老儒朱氏德錄。知先生甚深。撰有孔宅詩序一篇。可作先生學案讀。故以爲弁。當先生著泰西政要。撰後序一篇。可觀先生初志。故以爲殿。又光緒七年。先生初出山。至北京。有救時芻言一文。時爲民國紀元前三十一年。其後所言皆驗。可見先生憂世之心。出於天性也。故附印焉。勸社記。

# 景憲先生苦口文目錄

勸社編輯

經學會緣起文

節錄 光緒二十年甲午即民國紀元  
前十八年

與鎮洋王氏祖舍婁縣張氏錫恭嘉定宋氏道

南黃氏宗起書

光緒二十一年

與華亭顧氏蓮南匯于氏鬯嘉定周氏保障華

亭閔氏萃祥錢氏同壽書

光緒二十一年

與嘉定黃氏世榮上海李氏邦徽葉氏景灃吳

縣沈氏恩孚書

光緒二十一年

山西學務總綱

續錄三則  
國紀元前十年

光緒二十八年壬寅即民

設立上海佛教公會呈請蘇松太道立案稟

代撰 光緒三十二年丙午即民國紀元前六年

附錄蘇松太道照會

上海佛教公會董議紳名單

上海佛教公會城鄉寺廟

創立江蘇第一圖書館呈請江蘇提學使司申

詳立案文

光緒三十四年戊申即民國紀元前四年

附錄長寧張羅澄江蘇第一圖書館序民國

世界宗教會發起辭民國元年壬子

附錄雲南黎炳南世界宗教會發起辭

山東陳治鎬世界宗教會序文

臨川李瑞清世界宗教會小引

創立尊孔會宣言書上海高翀代撰 民國元年

中外教務聯合會演說辭民國元年

希社成立詩四首 民國元年

附錄希社叢編序

答童子問 民國二年癸丑

孔宅詩 三首 民國二年甲寅

其一 甲寅秋仲率兒子明輝孫肇均肇培訪青浦孔宅

拜至聖衣冠墓感賦用壁間韻

其二 聖誕日釋奠禮成恭紀壘前韻

其三 同人集願學堂議立江蘇孔教支會再壘前韻

附錄高要陳煥章孔宅詩序 民國四年

孔教會開辦簡章 民國元年

長寧張吾軍致曲阜孔教大會書 民國二年

創立尊孔女塾議 民國五年丙辰

附錄世界女子協會啓

論語金科跋語

民國十四年乙丑

普勸世人讀經啓

民國十四年乙丑

景憲先生年譜略

附刊

景憲先生全集總目錄

附刊

景憲先生苦口文



## 孔宅詩序

民國四年

吾友上海姚君子梁。幼承家學。甫成童。肄業諸鉅儒之門。既長而出。遊四方。知交徧海內外。其所成就。於理學精嚴。於經學廣博。於古文學。尤審慎焉。守其正而會其通。故稱曰三正宗也。顧未嘗見君爲詩。君亦自言詩未會學。而一日者。忽以孔宅祝聖詩鳴於時。徵和得詩數百首。選刊成集。至再至三。而猶未已。是何故歟。僕始亦訝之。繼而知爲不得已也。蓋自光宣以來。異說漸繁。其極可駭者。新教育家。會於京師。有廢經廢孔之議。三綱盡滅。無父無君。議未行而國已墟矣。民國既立。築室道謀。官如傳舍。竟採用前議。著爲令甲。勢若鐵案。不可動搖。於是天下學者。始有不平之鳴。假君名首先發電。請修文。

廟復孔祀。未以關白君也。君聞之。不以爲忤。引爲己責。曰。是吾志也。會逢孔子誕。與旅滬諸遺老。祝聖於山東會館。因議立孔教會。徵文海內。月刊雜誌。播之朝野。法語巽言。交施互用。祀典以復。始事於壬子。收功於癸丑。此皆海內文人之力也。會中人有議立孔教爲國教者。海內高文。又集辭稍激。致啓羣教鬭爭。按之五洲信教自由之公例。固未能協。君先嘗立世界宗教會。欲羣教通郵。躋於大同。則又知此舉非出君意也。君之意。惟以復經爲亟。念文人之力。已盡。再接再厲。勢所甚難。乃於甲寅之秋。祝聖於青浦孔宅。議欲合天下之詩人。以鼓吹之。婉而多風。言者無罪。是蓋本諸經正民興之夙願。冀藉詩人邪許之力。以達其未竟之勳。雖其後功令已復。讀經而遠近佳章。絡繹在道。勢亦不可以遺。愚故知爲不得已也。雖然。君固潛修之儒。

而又實事求是者也。非才人喜爲標榜者。比溯君爲學之旨。嘗一播之東海。再播之滇南。三播之山右。世稱爲姚氏學派。有本誼一幹。誼二支。誼十餘。君之言曰。世雖不我用。生雖不逢時。而內聖外王之學。不可使有欠缺於吾身。此姚氏學之本誼也。得行其道。如雲行雨施。春雷啓蟄。事過之後。泯然無迹。不居其功。亦不居其名。是爲幹誼之一。舉世無人知而不必要人知。遯世而無悶。樂天以自全。歿則浩氣丹心。還之太虛。是爲幹誼之二。其支誼之尤要者。古今來諸子百家。不必爲異端。皆能得聖人之一體。漢宋兩學。不當立門戶。漢儒近古。得其真。宋儒後起。得其精。又未嘗有國界教界之岐視。他山攻玉。取其醇而舍其疵。君之學派。大略視此要之。其尊孔也。非徒祀聖。欲以復經。其復經也。非徒勸學。欲以明倫。人倫明而聖功畢。聖人人倫之。

至也。然則後之讀是編者，其勿視爲詩之人詩斯善矣。宣統讓位後四年乙卯之夏，嘉定朱德錄書於南翔孔教分會，年七十有八。

# 景憲先生苦口文

勸社編輯

經學會緣起文

節錄前十八年

光緒二十年甲午

今天下不患貧弱而患在人心。人心者國脈所繫。世運所關。欲正人心。先明學術。學須貫通古今中外。此會名曰經學。而天下萬學皆納其中。

通經之要在於明義理。然不由文字訓詁求之。則義理安得而明。漢宋兩家皆經之功臣。不當有門戶之分。

漢人傳注存於今者。獨詩禮公羊孟子耳。其他散見於羣籍者。賴唐

人存佚之功爲多。至東晉六朝南北諸家之說。唐人旣哀集之而又刊定之。故自兩漢而外。凡唐人之書。所宜博觀古人傳經。最重師法。顯門之學。其志不紛。然使一家之說盛行。則餘說寢微。漸至絕滅。漢學之厄。未始不由於此。今學者生逢明備。固當兼綜羣言。不囿一偏。子（周秦諸子）史（正史及編年史紀事本末之類）與經相表裏。書（說文學）數（數學）爲六藝之要。方輿（地理水經學）掌故。今古兼賅。考訂（如困學紀聞之類）詞章（古文駢體文尤要）華實並茂。又如律呂以探古樂。金石以尋遺文。鉤沈之功。使佚文俱顯。校勘之業。蓄善本必多。凡斯專家之學。各有獨到之詣。於斯會並有光焉。

此會集思廣益。勸善規過。原爲德性問學起見。然當此羣言淆亂。人

心好異苟能昌明正學未必不可收經正之效也

六經猶日月星辰也日月之明無所不照雖海外諸國遠在流沙萬里之外其視日月星辰與中國無異經亦猶是也今海外之國其教養諸善政往往能闇合於經而其習尚之殊乃有與經相反者此殆所謂一隙之明也我自居於晦盲之地故逐逐然欲趁此一隙之明苟合天下羣儒殫其心力使經術大明於世則以之臨照萬國有餘矣

與鎮洋王氏祖舍婁縣張氏錫恭嘉定宋氏道

南黃氏宗起書

節錄

光緒二十一年

當今之患非貧弱之爲患而患在人心苟使洋學流行則君臣父子

夫婦諸大倫。皆將漸滅無餘。而惟利是圖。惟欲是縱。人心愈不可問。不復知成何世界。豈不可懼。孟子云。生於其心。害於其事。又云。作於其事。害於其政。天下之治亂。繫於人心之邪正。彰彰明矣。夫人心何以不正。由學術不正之故也。譬諸人之一身。苟正氣充足。則外邪何自而入。入亦何所容。故欲正人心。必先正學術。孟子經正庶民興一語。最深切有味。庶民興。斯無邪慝。其效有必然者。然竊觀今之膺教養之任者。方專壹於西洋。恐未能議及此也。自古聖賢帝王相傳之道。統治統。莫備於經。經者。萬世不易之常。非異說所得淆亂。然則正人心之責。其在經生乎。願以滔滔皆是之天下。而欲責之一二經生。豈易於見功。故鄙意欲創立經學會。合海內經生爲一。共相倡導。以轉移積重之風氣。先從蘇松太三郡爲始。由近推遠。爲勸學起見。卽

爲維持風化起見。想有道君子。以人心世道爲己憂者。其必有取於斯。且夫世之稱道西洋者。不過豔心於其富強耳。亦知其富強所由來乎。舉國之人。無人不學。故其人材強。無人不兵。故其兵力強。盡力於農。使地無遺利。盡心於工。使人無游手。商以運之。使物無棄材。生財之大道得矣。積一國之儉勤。以成其富強。凡其有得於教養二字者。皆我六經之緒餘也。我反求諸經而有餘矣。經未失而欲求諸四夷。豈不惑哉。所冀當代通儒碩彥。在郡爲一郡提倡。在邑爲一邑提倡。若在京師首善之區。卽爲天下提倡。俾有志之士。莫不肆力於經。將見明體達用之材。出乎其中。而移風易俗之效。亦卽著乎其後矣。

與華亭顧氏蓮南匯于氏鬯嘉定周氏保障華

亭閔氏萃祥錢氏同壽書

節錄

光緒二十一年

當今之患。不患貧弱而患人心不正。國多內奸。一也。異學爭鳴。二也。上下交爭。惟利是圖。三也。四端措亡。秉彝幾泯。士大夫唯當昌明正學。以維持風化爲任。庶足以挽末流之失。但空言說理。不如實學窮經。鄙意欲聯合中國經生爲一會。同會者不分宋漢門戶。能貫通合一者。固好。專精亦好。惟以漢訐宋。以宋訐漢。斷斷爭辯者。無關身心學問。甚有假託經義。援儒入墨。以自便其私者。更足爲世道人心之害。會中同人。宜有以正之。弟前在海西。曾譯輯太西政要一書。知西政之善者。皆我六經之緒餘。惟工政一門。旣詳且精。似可補冬官之闕。然亦必經學大昌。政教脩明。乃可及此。道與藝相資焉。可舍道而

專言藝耶。

與嘉定黃氏世榮上海李氏邦徽葉氏景濤吳

縣沈氏恩孥書

節錄

光緒二十一年

中國雖不能稱富強亦未至甚貧弱也。養民之政足兵之謀考求猶易。轉貧弱爲富強亦非甚難事也。獨是人心向外地無論朝野人無論官紳甘爲外人效用而反以噬中國者何可勝計。乃至世家子弟要路公卿亦不能識食毛踐土爲何義。此則中國目前之大患不振之樞機。豈非教化不明之所致耶。今西洋所稱善政多闡與古合。其治事之要不過曰實事求是而已。此卽中國治經者之家法也。古人通經致用之說於此益信。卽欲以西法變中法實則西政之善者經

術足以包之。則何如以經變俗之爲愈乎。

山西學務總綱節錄三則

國紀元前十年

光緒二十八年壬寅即民

學須兼燭古今中外。方爲有用之學。中學宜由古以及今。西學宜沿今而溯古。此皆先難後易之法。至中西兩學。各有本末體用。其次序不容紊越。學者固當兼營並治。尤必以漸進爲功。

近年各省學堂林立。而人才不出。蓋有二弊。名爲中西兼學。實則有西而無中。且有西文而無西學。入其中者。不能知西文爲西學初階。竟若以西文爲學堂全體。此一弊也。既已偏重西學。遂視中學如具文。甚且鄙中學爲無用。此二弊也。夫僅通西國語言文字之人。豈得謂爲西學之人才。況中學全荒。人才更何從出。每聞東西洋人言。無

論何國學校。斷未有盡舍本國之學而徒治他國之學者。其在華久。充教習之洋人亦言。學生中學深者。教以西學。進境極速。其中學淺者。不易通至西學。每每勞苦難成。今當力鑒此弊。先治中學。以培根柢。進求西學。以觀會通。爲途似迂。而實可收事半功倍之效。

西國學者辨學字極嚴。有有本之學。有無本之學。其意以道德爲文學之本。若無道德而有文學。則雖其人之識見材力。遠過乎人。恐適足爲濟奸之具。反失立學之本意矣。林樂知所譯文學與國策一書。集十餘名人論說。要皆於本原之地。反覆申詳。三致意焉。蓋尊德性道問學。二者不可偏廢。域外所見皆同。今人謂學堂所以開民智。而不知學堂尤在於正人心。癖西學者多未審及。故揭出之。

設立上海佛教公會呈請蘇松太道立案稟

代撰 光緒三十二年丙午即民國紀元前六年

龍華寺僧

仲沛

三昧庵

源來

具稟靜安寺僧兼僧會司正生

青龍庵

石點

僧 常貴 等

海潮寺僧

觀月

大佛殿

化宏

稟為擬設佛教公會呈請恩准立案事竊維上海一隅寺廟之多甲於他處或創於前代或建於國朝一椽一字無非在地紳商捐集而成亦有一二名縉苦志焚修師徒相繼歷數百年始得成此殿宇在開山如此艱辛在後嗣益宜保守前歲都僧覺先今歲浙僧永勝先後稟請設立佛教總公所均經批准立案僧等深維僧民同等雖

宗教各殊。而指歸則一。況同是聖朝赤子。受涵育同。受保護同。恕之者以外方爲可原。外之者以異教爲可擯。太過不及。佛地遂以多事。爰集諸山熟籌挽掇。設立佛教公會。合城鄉之寺廟。聯爲一氣。藉以防檢僧徒。昌明禪旨。延請紳士。議立公約。共盡義務。正以彌已往之闕。開後來之功。僧等一衣一食。皆地方所賜。斷不敢自外生成。爲敢環求大人俯念公會之設。關係佛教前途甚重。准予立案。將來得以報效國家。護持之恩者。端在於是。合將章程抄呈鈞鑒。除稟上海縣憲外。伏候督核施行。沾仁上稟。

附錄蘇松太道照會 欽命二品頂戴江南分巡蘇松太兵備道瑞爲照會事。據靜安寺僧會司正生龍華寺僧仲沛海潮寺僧觀月青龍庵僧石點大王廟僧常貴三昧庵僧源來大佛殿僧化宏等稟。竊

維上海一隅寺廟之多甲於他處。或創於前代。或建於國朝。一椽一字。無非在地紳商捐集而成。亦有一二名緇苦志焚修。師徒相繼。歷數十百年始得成此殿宇。在開山如此艱辛。在後嗣益宜保守。前歲都僧覺先。今歲浙僧永勝。先後稟請設立佛教總公所。均經批准立案。僧等深維僧民同等。雖宗教各殊。而指歸則一。况同是聖朝赤子。受涵育同。受保護同。恕之者以方外爲可原。外之者以異教爲可擯。太過不及。佛地遂以多事。爰集諸山熟籌挽掇。設立佛教公會。合城鄉之寺廟。聯爲一氣。藉以防檢僧徒。昌明禪旨。延請紳士。議立公約。共盡義務。正以彌已往之闕。開後來之功。僧等一衣一食。皆地方所賜。斷不敢自外生成。爲敢環求大人俯念公會之設。關係佛教前途甚重。准予立案等情。到道據此。查該會司等援都浙佛教總公所例。

組織公會申戒律明禪旨圖保存於外界刺激之時會同紳董議立和衷共濟既化門戶之見尤無扞格之虞洵於宗教有裨所擬簡章亦尙妥洽惟各寺廟所有產業奉學部通飭由官保護以後遇有爭產情事公議如何處置仍當隨時稟請地方官核示以昭允洽此節應一併訂入章內補呈立案除稟批示掛發外相應備文照會爲此照會貴紳煩爲查照辦理施行須至照會者右照會直隸候補道姚光緒三十二年十一月二十六日照會

附錄上海佛教公會會董議紳名單 會董姚文棟陳作霖 議紳周晉鑣朱佩珍施則敬李鍾珏李厚祐王恩溥王豐鎬趙增恪陸桂棠姚文枏顧言王增禧林會賚曹驥曹煒蔡爾康蘇紹良張章承吳燁葉佳棠李鴻進秦錫田郁懷智姚天來王宗駿郁頤培葉達郭廷

鈔。陸文。篋。姚明。燿。黃雨。甸。姜。震。顧。繼。鍾。沈。汝。達。羅。詒。潤。趙。增。烜。謝。鑑。  
林。陳。忠。瑛。屠。炳。翁。古。星。沈。元。福。江。文。耀。蔡。正。蒙。奚。元。良。奚。慶。良。徐。炳。  
春。王。納。善。黃。國。瑞。朱。宗。濂。姚。芝。亭。秦。洽。張。增。祁。陸。文。進。嚴。延。齡。黃。鎮。  
華。江。顯。聲。張。鳳。廷。秦。鶴。岐。顧。雨。田。秦。燮。廷。吳。文。濤。張。世。均。周。國。鑣。周。  
文。彬。徐。璞。齋。錢。廣。甫。唐。允。明。顧。式。章。胡。恩。錫。徐。熙。秀。  
附錄上海佛教公會城鄉寺廟 城內○沈香閣。洪善庵。福田庵。華  
嚴庵。觀音閣。猛將堂。青蓮庵。前院。青蓮庵。中院。水仙宮。長壽庵。積善  
寺。關帝廟。廣福寺。廣福寺南院。廣福寺後院。寧海庵。崇寧庵。鐸庵。接  
引庵。地藏庵 城外○海潮寺下院。大王廟。西林庵。大悲庵。西方庵。  
靈隱寺。九華殿。古雲台。青龍庵。大佛殿。三昧庵。小靈山。財神殿。淡井  
廟。迎春。高昌廟。致思庵。翠微庵。小九華。鎮海廟 租界○靜安寺。國

恩寺。太平寺。圓通寺。淨土庵。壽聖庵。外虹口三官堂。長浜關帝廟。彌陀寺。晏公廟。東鄉○高昌廟。河塔廟。三林廟。立雪庵。慶寧寺。西房。慶寧寺。南房。長壽寺。法華庵。海會寺。江境寺。西鄉○龍華寺。福田寺。福基寺。觀音寺。寧國寺。大門寺。明心寺。法華寺。南王寺。北王寺。通濟寺。安國寺。橫涇廟。王承廟。大雲庵。

### 創立江蘇第一圖書館呈請江蘇提學使司申

詳立案文

光緒三十四年戊申即民國紀元前四年

江蘇紳士二品銜直隸存記道姚文棟舉人特用知縣姚文枏前署浙江龍游縣知縣楊葆光增貢生李邦勳內閣中書俞鍾鑾候選直隸州州判于鬯揀選知縣葉景湮藍翎吏部七品小京官蔣肇祺禮

部七品小京官陳貽芬前署浙江淳安縣知縣夏曰瓊揀選知縣沈恩孚揀選知縣汪錫增揀選知縣高煌揀選知縣張士希優貢生朱楚善廩貢生王汝舟附生徐熙秀廩生閔璣監生姚明輝優附生姚明燦等爲搜輯圖書保存國粹求詳立案准給官書事竊維國家之富強原於教育教育之發達本於圖書圖書者國民智識之所從出也當今之世競言教育凡拘守舊學者或迂闊而不適於用而醉心歐化者又放誕而不軌於經自非是舊道德爲基以新智識爲輔則虛張教育之名適蹈畔離之實人心風俗貽害良深夫世界進化之公理必先保存國粹而後輸進文明東西各國皆有圖書館之設搜藏動至數千萬卷用意至爲深遠而況吾國文化之精尤有百倍於歐美者乎在昔乾隆年間純廟頒賜四庫全書於鎮江建文宗閣揚

州建文匯閣杭州建文瀾閣度藏典籍俾東南人士瀏覽其間於以  
昌正學而宏教澤我朝治術之隆所以超越前代者在此甫閱百年  
燬於兵災文瀾雖經重建而文宗文匯未復舊觀士林以爲大憾夫  
論閉關自治之世鎮江揚州實據長江之中心點通商而後則東南  
形勢趨重於上海一隅故上海之風氣最爲開通而言論亦最龐雜  
紳等竊見西國藏書之所皆在通都大邑之間上海地當要衝交通  
利便謹就縣治西門內關帝廟後隙地先建樓房五楹分別四部集  
資購書顯爲集思廣益之謀實隱杜曲學異端之弊搜藏之外輔以  
捐助寄存兩種惟是草創之初經費奇絀雖抱爲山之願祇成覆篑  
之基伏念大宗師握人物之權衡司文章之命脈擬求申詳督撫憲  
俯念紳等區區締造之苦心頒給江寧蘇州揚州官書局所刻書各

一分并移請順直川陝豫晉湘鄂皖浙滇黔閩粵各省督撫憲一體給發官書均免繳價庶挽道義於衰微之日國粹藉以保存而擴見聞於蒼萃之區教育兼多裨益其於聖世作人之化蓋有助焉爲敢鈔黏章程環求大宗師大人俯賜鑒察恩准立案以光文治而育人才不勝激切待命之至謹呈

附錄江蘇第一圖書館序 秦始皇焚書不焚圖使當時六藝典冊竟無博士內府之藏然圖既存書亦可不亡更無俟屋壁山巖廣爲搜緝至隋帝利經生異說之可以愚民也乃不焚書而焚圖於是圖不足徵而書僅足以代三升之墨水嗚哉我諸華之不得圖書具陳也久矣雖表學譯名一編西哲披圖發書未知討源於河洛遽謂九牧貢金禹鑄九鼎以象物指爲世界圖書所濫觴數典心勞其究也

津逮外人而無裨於我國。南皮張文襄有憂之深。體論語溫故知今。明訓同光之際。典試吾蜀。旋任學使。則闢尊經院。其後督粵。則闢廣雅堂。迨督鄂。又闢抱冰堂。皆搜槧古今中外圖籍爲官書。列局肆。使人求取。於是上自江源。下達漢廣。南望老佗故都。凡欲考古求新者。無不可左按圖右挾書。居稽證辨。知天下事之非異人任矣。光緒甲午以後。國家有急。三年之間。文襄兩督江南。方蹶掌金陵。欲創建大圖書館。與歐美抗行。乃卒爲忌者觝排。兩次俱任事五十餘日。事平仍促回鄂。今之人見鄂百廢具修。以爲文襄得君專行政久所致。而豈知江南一大圖書館之不得遂。况其他哉。然待人後行。文襄雖去。時欲於江南故舊中擇一資望學識能副圖書館之職者。倡於江南。以風示全國。久屬意於姚黃浦先生。會丁未歲。文襄大拜。視事體仁。

閣黃浦解山西大學堂監督之職入都以倡建江蘇圖書館相質文  
襄大喜與黃浦作竟日談黃浦南旋就上海邑祀關帝廟西偏建三  
楹爲館時全國無圖書館之設此館獨開其先遂致書文襄請名文  
襄書江蘇第一圖書館以報并命其從堂姪江蘇知縣張駿聲持簡  
來襄館事黃浦乃赴蘇謁陳中丞啓泰並商樊提學恭煦馳書各行  
省徵集圖書圖書稍稍集不料辛亥國亂圖書遭厄此館亦遂停辦  
壬子春余自京避亂來滬匿名養晦不與世通乃遭先生於途枉駕  
見訪不以余譏幅延入館董理篇笈時方溽暑余與天童方丈八指  
頭陀日夕槃薄於花木籐蘚之陰同領取齋月軒風池魚園鶴諸趣  
覺寥天滑和凡直寄余身者無地非圖書無時無圖書也江霧少微  
何寂寞之有哉而黃浦時一來會舉昔年星槎周度所撰東西洋政

學鴻篇見贈。并媵以朝命勘界南詔歷來滇邊棄地啓戎諸圖說。且復以時事日非。數與余論當今撥亂反正之道。余曰。嘻。此人間何世哉。蓋秦焚書。隋焚圖之時也。祖龍遺孽。獵燄飛紅。尙有何術能保圖書之不燬。正可束諸高閣。棄置不復道耳。何役役自苦爲。遂辭館不居。先生乃要游南翔。以破悶。日則釀飲於明儒歸震川門下。李子流芳之園。夜則下榻先生之古學保存會。於所居室圖書中央。坐擁百城。如臨南面。忘其爲嫗。嫗大小西矣。久之。握別黃浦。設祖。慨然曰。第一等人爲第一等事。昔有清國初三老。關中李二曲。曾作兩一傳。今滔滔天下。能副此兩一者。幾人哉。子文襄高弟。江蘇第一圖書館。又文襄所命名者也。余欲彙刊館牘。以詔後來。子其爲我序之。時適秋高雲薄。日光破雲麗余頂。遂放筆爲作第一序。先生名文棟。字東木。

一字志梁。上海世族。北方學者稱之曰姚黃浦先生。故余亦云。甲寅九月九日。蜀長寧張羅澄吾軍敬撰。

### 世界宗教會發起辭

民國元年壬子

世界間文明諸國。未嘗有無宗教之民也。蓋國不可離宗教。離宗教。卽非國民。亦不能離宗教。離宗教。卽非民。惟是心理不同。信仰各別。國不一教。教不一宗。必欲強而同之。使羣趨於一。勢必不能。且黨同伐異。人之恆情。果使好惡狃於一偏。則畸重畸輕。卽慮開異教相殘之禍。人心之不同。如其面。而好勝則鮮有不同。此當局者所宜劑其平也。今夫天地之大。何所不包容。吾人體天地之心。以爲心。不當自隘其量。况儒釋基回四教主。皆產於亞洲。而其教流行於歐美。非澳

紅白諸種皆知崇奉吾人爲同洲之後起。苟對於先哲而反生厭惡。此豈人情。譬諸伯叔友昆。本是一家。雖面目不必皆同。而性道要無二致。溯其始則異流同源。究其極則殊途同歸。固不容有入主出奴之見介乎其間也。是故一己之自守不可不嚴。而民有好風好雨之殊。道有並行並育之妙。所見又烏可不廣。吾嘗周歷海外。習聞信教自由爲五洲法律所公認。豈非文明之極則哉。今者中華民國豔心共和。希蹤隆古。而議者以其道德消乏。引爲人心風俗之憂。此無他。無宗教之觀念使然耳。尊孔之意漸衰。闢佛之心愈熾。耶回各教。向居少數。幾何而不爲無宗教之國耶。屏宗教而專任教育。則教育無功。舍宗教而修陳法政。則法政寡效。滇南黎子山左陳子思。揀其弊。就謀於予。予告以破除畛域。不分教界國界。博訪諸先知。爲後學倡。

導舉五洲之魁傑聚之於一堂名曰世界宗教會其人而達者歟則志在大同廣爲通郵可也其人而狷者歟則擇善固執獨立門戶亦可也要皆足以灌輸道德於吾民而與文明諸國相提挈共和之業其庶幾乎夫合之則無歧視分之則各致其精教術雖殊而效果則一末流或多弊而本原皆純潔無疵凡此皆足以堅吾民之信仰而無庸軒輊者也會既成立贊成者衆予忝在發起不可以不文辭謹述其宗旨與理由如右惟海內外同志者鑒焉上海姚文棟

附錄雲南黎炳南世界宗教會發起辭 竊維宗教乃道德之母道德實治化之原苟宗教不明道德不昌斯人心風俗因之日下而望治化隆洽不綦難哉故欲治化美善必先正人心以厚風俗欲正人心以厚風俗則闡明宗教培養道德實爲根本之圖抑亦當務之急

也。惟欲破人心之障。尤當破宗教之理障。倘意見各執。門戶紛爭。未能體天地覆載之無私。卽有乖民物胞與之宏旨。爰創斯會。聯合各教。溝通指趣。化除畛域。無論千支萬派。要皆異流同源。所願世之同志者。盡去有己無人之見。常存大公無私之心。物我兩忘。天人合一。不亦善乎。

附錄山東陳治鎬世界宗教會序文 道含萬有。彌綸天地。生育萬物。未有天地萬物之前。道先立其體。既有天地萬物之後。道實廣其用。是道明。天清地寧。五風十雨之瑞現。是道晦。山崩地裂。水旱瘟疫之災行。從古神聖。參天地。握陰陽。中和位育。篤恭而天下平者。皆以是道也。存之於心。爲德性。見之於行。爲倫常。施之天下。國家。爲政治。其在求道之人。必須屏念慮。養天真。渾渾噩噩。以復其性。道卽在

是矣。鄙人有見於此而身體者。將近四十年。向者每逢天災流行之處。持此說以告執政者。或信之。或行之。或笑之。或非之。要之。權力重。道德輕。宗教不明。此學終不得行。辛亥冬。應黎君燦階之約。來滬兩閱月。而世界宗教會成立。鄙人亦得附於斯會之末。而冀是說之得行。或驗之一時。或傳之後日。是鄙人所厚望也夫。

附錄臨川李瑞清世界宗教會小引。蓋聞天無二道。人無二性。道耶。儒耶。釋耶。耶耶。回耶。其導善禁惡。拯世覺民之心。一也。辟彼援溺。或以手。或以繩。或以勾。或以舟楫。其援溺之心。一也。是以亞美歐非之異洲。黃白黑棕之殊種。發致雖別。而潛相景響。出處雖異。而終期則同。但眇跡隱於常用。指歸昧於末節。遂令學徒不察。是丹非素。教無論美惡。異己者攻。將使孔佛操戈。耶老對壘。因形式之細故。忘先

師之本心不亦悲乎。頃者詐僞萌起，大道鬱滅，留害繁慘，衆生沈淪。願我環球教主，互相研復，去其伎爭，節彼離滯，吸此共實，庶幾達義俱舉，析符復合，澡斯民之垢滓，脫衆生之桎梏，上慰先師之苦心，下拓同人之宏願，竊在下風，薰沐以俟。

### 尊孔會之宣言

上海高爾代撰

民國元年

孔子亡而大道衰，七十子沒而微言絕，斯文之厄，自古已然。顧衰者自衰，絕者究未嘗絕，誠以宣聖木鐸，秉諸上蒼，使非人類滅絕，則雖千秋萬禩，其元音固琅琅在人間也。漢宋尙已，迨朱明叔季之葉，孔氏教徒益復，忼慨激烈，摘神姦而捍大璫，張義師而抗異族，一呼四應，君子如林，至殺身受禍而不恤，其補救國事，夫豈渺哉，嗚呼感矣。

有清入關。主吾中夏。歷二百六十餘年之久。而忽焉以一旦告亡。其向之維持國本。收拾人心者。果何在乎。識者每攬其興亡之跡。益瞭然於孔子不可不尊。且尊孔不可徒以虛文爲也。綜而觀之。凡創業開基者。固無不首重尊孔。卽劇寇大盜。亦無敢抗顏與孔爲仇者。古史具在。足徵吾人心理中。殆無不有尊孔之血誠也。夫國家之政體。或可改。而人民之心理。則有斷斷不可變者。孔氏之教。如日月經天。江河行地。其於人也。如布帛菽粟。不可以一日無。蓋孔之教人。必曰孝弟忠信禮義廉恥。孔之陶成吾人心理者。如此。吾人而不欲勉爲善良。則已。苟欲勉爲善良。又安得不尊孔乎。又安得不實行尊孔乎。今以指舊政體爲不宜者。遂并斥舊心理爲不合。而欲悉行改變之。於是逞其簧鼓。謂孔爲學問家。道德家。而非宗教家。推其意在使吾

人之心理全變。而各脫離孔教以自由說誠巧矣。嗚呼。今之蹈瑕抵  
卻者。方振振而有詞。孔亦幸而無他可議。且有學問道德之可稱耳。  
不然。有不聲孔之罪。致孔之討。以焚其書。壞其宮。毀其墓。誅其類。滅  
其族者。幾希。而獨不許爲宗教家者。何哉。則以其範圍世道人心。至  
嚴且峻。苟率其教以行。必將有大不便於己者。故別下一斷。以抹煞  
之。不知萬代宗師。宮牆巍煥。我中國唯一宗教家。捨孔而誰。且自古  
端人正士。碩彥純儒。無一不出於其門。卽今瞿瞿然駁之者。亦無一  
非學射於羿之逢蒙也。今乃陽主廢孔祀。陰主絕孔教。使吾人之心  
理。與孔相背馳。夫誠是心理而亦可變也。則將使全國之人。胥無孝  
弟忠信禮義廉恥而後已。猶之使日月倒行。江河逆流。而又絕此芸  
芸四百兆同胞之布帛菽粟。使無可資生而相率陷於僭妄欺詐。攻

奪劫殺之途。其禍爲數千年來所未有。較諸洪水猛獸之害爲尤烈矣。某等故深懼吾聖教之不絕於歷來。虐主暴君元凶鉅慝者。乃幾將絕於有清之後也。然則立會尊孔以圖保存。豈得已乎。豈得已乎。而幸焉廢祀議案。聞已得有權力有位號者所取消。一時人心大慰。鼓舞歡欣。綿俎豆之馨香。卽以留詩書之教澤。此誠吾國前途之一大轉機也。雖然。時至今日。士習囂張。世風乖戾。亦旣達於極點。今卽邪說詖辭。暫時稍熄。而吾黨中人。若復因循放棄。各不相謀。則一盤散沙。將永無團結之日。一旦橫逆重來。孰爲干楯。充其禍必至。遺經復埋於古壁。多士盡棄於濁流。此猶不足惜。如禮教之斃亡。國族之傾覆。何壬子七月。姚子梁先生旣發起此會。鄙人則越席宣言。敬告同志。吾輩旣立此會。務宜抱定尊孔宗旨。以達到孔教永定爲國

教之目的。凡我會友。各當守道德之範圍。爲法律之補助。宣揚勸導。感格憑頑。總之。身可死而心不可死。國可亡而教不可亡。况孔教昌明。正吾國發達之機乎。諸君子不以斯言爲河漢。當必有起而贊同者。

### 中外教務聯合會演說辭

民國元年

中華爲四千年古國。文明最早。自古至於近代。其間千聖百王。以及全部二十四史中之人物。不可勝數。要當尊孔子爲第一人。孔子所生之時。爲東周所生之地。在東魯。當王迹旣衰之後。又宗邦積弱之餘。嘗爲魯司寇。一陪臣耳。行攝相事三月。爲時甚暫。魯之四境。不出四百里。所被未廣。然而與天地同壽。與日月爭光。伊古以來。

雖庸夫愚婦無不知有孔子。卽今海外交通。異域與遠洲。亦未有不  
知孔子者也。

是故以孔子爲中華代表。爲四千年代表。海內外所公認。試問何以  
能若是。曰。是宜分三節以明之。蓋孔子以前。自黃帝訖於獲麟。世稱  
疏佐紀。凡二千餘年。文明相承。絲絲不墜。而孔子以一人總其成也。  
孔子而後。訖於今茲。又逾二千年。文明日拓。如萬花競放。普徧四海。  
由孔子一人開其盛也。至於孔子同時相後。先有周秦諸子。各以其  
學爭鳴。世或黜之爲異端。而不知皆天地間所不可廢。且亦未能出  
孔子之範圍也。

或問孔子所讀何書。古之簡策。以竹與木爲之。得書非易。何以能徧  
讀。曰。孔子集古詩三千餘篇。而後刪詩。得黃帝玄孫帝魁之書。迄於

秦穆公凡三千二百四十篇。而後刪書。使門人等求周史記。得百二十國寶書。而後修春秋。嘗與魯君子左邱明觀書於太史氏。意卽韓宣子適魯見易象與魯春秋處也。又得孟僖子以車馬送至周。入王城。見柱下史老聃。其時已轉守藏史。實爲周守藏室之史。此皆藏書之數。如今海外諸國之有圖書館。可以觀書者也。至其周流列邦。於車塵馬足間。亦有所得。故曰。我欲觀夏道。是故之杞。而不足徵也。吾得夏時焉。我欲觀殷道。是故之宋。而不足徵也。吾得坤乾焉。又曰。吾自衛返魯。然後樂正。此皆可爲證。晚而喜易。韋編三絕。韋編者。編策用韋。三絕猶云屢絕也。孔子之勤於六藝。於此可得大凡矣。

夫文明起於文字。未有文字。先有卦畫。然則庖犧氏一畫開天。其文明之祖歟。曰。庖犧氏上觀象於天。下觀法於地。近取諸身。遠取諸物。

是知天地民物。古初之四大先師也。當夫一畫未開。而文明已彌漫。無際矣。三皇五帝。皆生育於文明之中。而以漸洩之耳。開物成務。創製顯庸。由是無形之文明。一一宣之於迹象。惟是三墳五典。不盡傳於世。莫由探古聖之精心。然唐虞二典。並存。已可見道統治。統一之盛。至夏殷周三代。因革損益。通變宜民。文物典章。燦焉大備。顧其始治與教合。其後君與師分。隋唐以前。學校並祀。周孔稱周公爲先聖。孔子爲先師。論者以爲世局無一成不變之理。周公不爲君而爲相。故能集治道之成。孔子不爲君。并不爲相。而爲萬世師。於以明立教之極也。

今人聚訟。或以孔子爲宗教家。或謂非宗教家。其言亦各有當。而非定論。史記孔子世家索隱曰。以是聖人爲教化之主。又曰。教化之

主吾之師也。此說最爲明確。儀封人與孔子同時。已知天將以夫子爲木鐸矣。是所謂教化之主也。既爲教化之主。而等儕之於宗教家。則不可。若疑爲非宗教家。則愈不可矣。但聚訟者各有所偏注。其意皆未可厚非。以爲非宗教家。是尊孔者也。孔子之學。內聖外王。非偏於教也。必力爭以爲宗教家者。是保存國教者也。慮吾中華將爲無宗教之國也。

儒爲諸子之一。儒之一字。非可以盡聖人之大也。然儒教固中華之教也。從事於儒者。謂之宗教家可也。何以明其然也。一徵諸漢藝文志曰。儒家者流。蓋出於司徒之官。助人君順陰陽。明教化者也。宗師仲尼。於道最爲高。再徵之隋經籍志曰。聖人之道。非家至而戶曉。故有儒者宣而明之。周官太宰以九兩繫邦國之民。其四曰。儒是也。由

此言之。儒者固宜以教化自任。出於司徒。原爲國教。家至戶曉。則類乎傳教矣。宗師仲尼。以聖人爲儒宗。猶賢希聖云爾。夫飛者宗鳳。走者宗麟。子游不嘗言之乎。儒既宗聖。寧得不謂之宗教家耶。

諸子以儒爲首列。儒以外其皆異端乎。曰。此決不然也。班固藝文志曰。道家者流。出於史官。陰陽家者流。出於羲和之官。法家者流。出於理官。名家者流。出於禮官。墨家者流。出於清廟之守。縱橫家者流。出於行人之官。雜家者流。出於議官。農家者流。出於農稷之官。小說家者流。出於稗官。此與儒之出於司徒。同爲一例。故曰。合其要歸。亦六經之支與流裔。又曰。使其人遭明王聖主。得其所折中。皆股肱之材。班氏之說。本於劉向七略。近古爲信。以愚度之。三代盛時。設官分職。各事其事。職守旣盡。無待言詮。時至春秋。天子失官。慮其無傳。乃各

抒所聞以明其愷。所謂賢者識其大者，不賢者識其小者。此類皆是也。孔子博學以成其大，固當兼容并包。唐韓愈氏以爲孔子必用墨子，墨子必用孔子。宋蘇軾氏亦曰：莊子蓋助孔子者，皆能深得其意。而世俗不察，每因異已相攻，失之陋且隘矣。

今更有一疑問。司徒之官，助人君以明教化，固已。而必曰順陰陽者，何哉？近人曾先生國藩嘗闡發之矣。今錄其說兩條於后。其一曰：天下之道，非兩不立。是以立天之道曰陰與陽，立地之道曰柔與剛，立人之道曰仁與義。乾坤毀則無以見易，仁義不明則無所謂道者。傳曰：天地溫厚之氣，始於東北而感於東南。此天地之盛德氣也。此天地之仁氣也。天地嚴凝之氣，始於西南而感於西北。此天地之尊嚴氣也。此天地之義氣也。其一曰：西漢文章如子雲相如之雄偉，此天

地道勁之氣。得於陽與剛之美者也。此天地之義氣也。劉向匡衡之淵懿。此天地溫厚之氣。得於陰與柔之美者也。此天地之仁氣也。蓋千古之文與獻。皆可以兩者括之。是故不順陰陽。不足以明教化。書曰。沈潛剛克。高明柔克。亦其誼也。夫以聖門人才之廣。而論語所載。四科而已。推之百世。亦不外是。曾先生作聖哲畫像記。又嘗言之。其圖畫三十三人。如文周孔孟之聖。左莊馬班之才。誠不可以一方體論。至若葛陸范馬。在聖門則以德行而兼政事也。周程張朱。在聖門則德行之科也。皆義理也。韓柳歐曾。李杜蘇黃。在聖門則言語之科也。所謂詞章者也。許鄭杜馬。顧秦姚王。在聖門則文學之科也。顧秦於杜馬爲近。姚王於許鄭爲近。皆考據也。姚姬傳氏言學問之途有三。曰義理。曰詞章。曰考據。戴東原氏亦以爲言。愚今更益其一。曰經

世之學於聖門四科之說。庶爲周備。古來人才大略盡於此矣。此皆孔子之教澤所成也。

愚今急欲昌明孔教者。非僅慮吾中華將爲無宗教之國。并慮吾中華將爲無政府之國。夫使國務員不諳中外行政法。雖有政府。與無政府同。蓋政與教非兩歧也。周公以前。治教合一。教寓於政。孔子而後。治教既分。政寓於教。且吾中華行政。與海外諸國。實不甚相遠。孔子策衛庶曰。富之教之。括以教養二義。愚嘗考之外國。農政。工商。政。工。政。商。政。爲其養民之政。學。政。兵。政。爲其教民之政。農。工。商。稱爲實業。古聖人所爲利用厚生者也。無人不學。無人不兵。此亦三代遺制。以政體言之。有君主之國。有民主之國。卽官天下。家天下之分。又有君民共主者。在吾華爲古今通義。禮將有大事。必謀於衆。傳曰。聖人與衆同。

欲是以濟事。盤庚徒殷曰：念敬我衆，解之者謂是念之而不忘，敬之而不忽也。降至春秋，猶有朝國人而採輿誦者。孟子：國人皆曰賢，然後用之；國人皆曰可殺，然後殺之。此原非理想之詞。爵人於朝，與衆共刑人於市，與衆共殷周之制，蓋有然矣。故夫六經皆治世之書，五洲有大同之象，服孔子之教，未有不臻於郅隆者。而或有疑古與今不相同，中與外不相通，孔子之聖未必協於時中，是沒其贊修刪定之苦衷，忘其爲萬世開太平之大功，而不知以大道爲公者也。

附錄尊經會書後 右景憲先生演說辭也。先生交游遍海內外，民國元年，美國李佳白博士立中外教務聯合會於上海尚賢堂，聯絡各教中外名人研究大同。秋九月二十二日，請先生演講孔子之教。先生講題曰：孔子爲中華四千年文明之代表，而撰辭一篇，辭已刊。

載尚賢堂紀載風行中外時學者方爭論孔子是宗教家非宗教家紛紛莫能定惟此篇最平允民國初年孔教會雜誌及山西宗聖會雜誌皆轉載而宣揚之我華二千餘年來共同信仰者厥惟集羣聖大成之孔子所以意志統一精神團結文明煥發成爲大國而晚近以來思想紛馳羣情渙散歧之又歧至爲危險則因未能認識孔子之故先生學貫中外身歷兩洋此篇乃其六十一歲所演足爲後學者認識孔子之資也

### 希社成立

詩四首

民國元年

石破天驚事太奇。流傳海國盡驚疑。中華教化今無主。推倒巒宮萬代師。天心如醉人心死。古國千年驟晦盲。吾道干城無一個。世間

何復賴儒生。詩人高適怒聲張。濡染淋漓墨數行。飛召賓朋闢壇坵。百花樓改二希堂。我似君苗久焚硯。昨宵忽夢筆如椽。醒來報道社成立。大書特書壬子年。

附錄希社叢編序 社以希名。高子名之也。或曰。社中多詩文大家。昔杜詩韓文無一字無來歷。希字不載說文。曷爲以是名。予廼解之曰。希字來歷。在說文未作以前。嘗見於爾雅釋詁矣。且說文特無希篆耳。許君胸中與其腕下。固時時有一希字流露也。何以言之。日部晞字。邑部郗字。人部係字。禾部稭字。艸部蒺字。糸部緜字。鳥部翬字。欠部歉字之屬。注皆曰希聲。凡十數見。而其形又可因偏旁得之。是雖奪譌。亦不得竟云無希篆矣。夫孔孟儒者所宗。百世之師。老聃與孔子同時。道家之所從出。而其書皆有希字。書之古者。莫堯舜若而

二典已有希字。此其去許君之世。近者七八百年。遠者千載以上。希字之來。歷算乎尙已。假令杜韓復起。必不以爲非。而子顧輕詆之乎。大氏唐虞二代。以至春秋戰國。皆訓希爲罕。自漢以後。乃有訓爲求。爲慕。爲冀。望者。如盧植傳。趙壹傳。吳良傳。諸注。可以爲證。高子命名之始。社未成立。自言兼此二義。蓋其意欲溯既往。策將來。而尤悲夫。見在也。今夫天生四民。惟士最尊。士所以尊。在乎救時而已。天下之變。亟矣。數千年來。所未嘗有。其始慮其亡國。今則慮其種滅。教絕。而士生斯世。往往肥遯自甘。銷聲匿迹。令人有鳳毛麟角之慨。誰歟。奮袂雲興。揮戈返日者。毋怪乎經已廢。而又將廢字也。蒙泉碩果。儻猶留一綫發生之機。非斯社之賴。而奚賴哉。予入社未及一年。見夫社友自遠而至。竊幸吾道之不孤矣。瓊琚投報。社稿日積。或詩以言志。

有杜陵每飯之思。或因文見道。有韓子起衰之望。見深見淺。雖所詣不同。而能維持於絕續之交。要不得謂與時無補也。茲者同人謀刊叢編。徵弁言於予。予寓居槎上。未得見全稿。亦未審此編體例何若。第嘗廁名發起。不可以不文辭。因憶鄭康成注周禮。希冕曰。希讀爲耑。其虞夏書佚注亦云爾。故近儒陽湖孫氏金壇段氏。或以希爲耑。字省文。或疑希者古文耑。攷許君耑字原注曰。从耑。耑省。蓋耑取叢生之義。耑象刺文。以况絨縷之密。耑黻二字從耑。藻火粉米粉一作耑。亦從耑。此皆書禮兩注所云。希以爲繡者。文采之彰。施彬彬然可想見也。然則叢編之刻。其亦有合於以希名社之本旨也夫。是爲敘。歲在昭陽赤奮若高月之望。上海姚文棟譔。

答童子問

民國二年癸丑

天下孔子廟皆有明倫堂。尊經閣二者未嘗偏廢。則以知孔子之教莫大乎明倫。服孔子之教者莫先於尊經也。癸卯五月晦。范氏甥熙觀年十四。外孫郁鴻昌年十五。從孫肇釐年十一。從余至廟灑掃。登堂與閣。皆問曰。明倫尊經。斯何義歟。余曰。孺子可教。善哉。問。今自執政以下。競言尊孔矣。孔祀之廢。已知其謬。而斯義猶未明。尊其名不尊其實。故天下未得平治也。善哉。問。不可不有以語汝。蓋道之出於天。天不變道亦不變。中庸稱達道五。則君臣父子夫婦昆弟朋友是也。是之謂人倫。人倫者。人道也。虞書謂之五教。故曰。使契爲司徒。教以人倫。又曰。舜察於人倫。夏殷周三代立學。皆所以明人倫也。故曰。人倫明於上。小民親於下。夫使人倫不明。則下可倍上。臣可殺君。賤可踰貴。少可陵長。遠可間親。新可間舊。小可加大。淫可破義。去

順效逆。天下焚然。焉得不亂乎。能鑒乎此。則人人親其親。長其長。而天下平矣。古者大學之教。以平天下爲歸。人有恆言。天下之本在國。國之本在家。家之本在身。曰恆言。則盡人能知矣。魯論曰。君子務本。本立而道生。本者何。則孝弟是已。蓋彝倫攸敘。以是爲初基。故曰本也。斯堂所以建也。自伏羲以來。至於堯舜。以至於孔子。道統相承。而孔子集羣聖人之大成。其垂教萬世。一刪詩。二述書。三定禮。四正樂。五制作春秋。六讚明易道。其初稱爲六藝。其後尊之曰六經。經之云者。以爲是天之經地之義也。夫六經。羣聖人所傳授。非一家一人之私言。而皆代天宣道。非出羣聖人之私臆。且羣聖人體天出衆。其政治之迹。亦備於此。此其爲後人所共仰。有如日之麗乎中天。歷久而常新。苟使墜之虞淵。則萬古如長夜矣。爲後世所當遵守。又如布帛。

菽粟之切於民生日用不可以須臾離苟使投諸烈焰則人類亦相隨以盡矣。是故尊經者非徒尊聖實以尊道。尊道卽尊天而亦所以尊今日之天下也。天下有道則治無道則亂守經則爲有道之天下離經卽爲無道之天下民皆離經畔道卽民亦曷足貴乎故曰經正則庶民興君子反經而已矣斯閣所由立也嗟夫廢經之議或以爲倡自江蘇果爾則吾江蘇人之恥也昔儒不云乎六經數十萬言盡其義不出明倫二字由此言之廢經卽廢倫矣奚以平治天下哉善哉問不可不有以語汝小子識之。

### 孔宅詩

二首

民國二年甲寅

其一 甲寅秋仲率兒子明輝孫肇均肇培訪青浦孔宅拜

至聖衣冠墓感賦用壁間韻

海內六經齊度闡。野人先進若晨星。衣冠於此珍遺蛻。詩禮當初憶過庭。疑有壁絲千載響。空餘墓草六朝青。吁嗟京闕成禾黍。猶說南巡御墨馨。

其二 聖誕日釋奠禮成恭紀壘前韻

萬派朝宗歸大海。北辰居所列繁星。聖人明德昭天壤。曲阜分支此廟庭。三月難忘韶樂美。九峯遠接岱宗青。威儀兩地同時舉。展敬寧惟黍稷馨。

其三 同人集願學堂議立江蘇孔教支會再壘前韻

二千年後沐時雨。五百里間聚德星。喜共朋簪瞻聖域。有如玉帛會王庭。愛茲虛室能生白。欲寫經書再殺青。文學東吳原極盛。還期道

德徧流馨

附錄高要陳煥章孔宅詩序 世界之中有政治之都。有宗教之都。政治之都。限於一國而已耳。若宗教之都。則無國界焉。政治之都。或數十年而變。或數百年而變。或千年而變。若宗教之都。則亘古不變焉。政治之都。隨出治者爲盛衰轉移。出治者無常人。故其都無常地。無常勢。宗教之都。以創教者爲主。創教者惟一人。其人旣爲萬世之聖師。故其都卽爲萬世之聖地。政治之都。其聚人也以勢力。宗教之都。其聚人也以道德。此其不同之大較也。我中國之闕里。實爲孔教之首都。長發其祥。已歷二千四百六十有六年矣。自辛亥以還。毀教者。譴起。上海姚東木先生文棟及孔教會發起諸公憂之。乃與煥章創立孔教會。以壬子大成節開成立大會于上海之山東會館。夫吾

人之所以不會于他地而會於山東會館者。以雖未能親至闕里。猶可以寄嚮往之誠也。煥章所擬會章。每年以大成節開全國大會于闕里。癸丑之秋。銳意經營。始開第一次全國大會。其時雖兵氣未息。行旅戒塗。然不期而會者數千人。自有曲阜以來。于斯爲盛。洎乎甲寅。煥章以曲阜孔教總會早經成立。教都之根本大定。而廣東支部未成。故因回粵。專謁康先生之便。留粵組織支部。而姚東木先生乃于大成節率其子孫謁青浦孔宅。拜至聖衣冠墓。同志之與祭者四十餘人。又孔氏子孫二十餘人。禮畢。議立江蘇支部于青浦。且爲三詩以紀之。而應和徧于海內。嗚呼。何其盛也。夫政治每有陪都。故宗教亦當有陪都。今青浦既有小闕里之稱。則固孔教之陪都也。東木先生乃發揚而光大之。其功固當與孔宅並垂不朽矣。抑煥章以爲

孔教之陪都尚當不限於青浦。凡聖蹟所在地。皆當因而崇飾之。焉。又凡歷代太學之故址。歷代賢哲之遺蹟。既有關係于孔教。莫不當因其所固有而益昌之。然此猶言乎因者也。尤有待于創焉。今以中國之大。華民之衆。邊遠之未同化。世界之未大同。其當立孔教陪都者何限。吾昔以丁未創孔教會於紐約。亦欲以紐約爲西半球之孔教都也。若在中國以內。益無地不可爲孔教之陪都。昔在第一次闕里大會。吾與諸君子續訂會章。於第四條明白規定。凡支會分會及支會聯合部。祇以地域之廣狹事務之繁簡而分。並無階級。蓋取放任主義。欲萬方騰躍以競立于教都之地位也。夫孔教甚大。原可各明一義。孔教所及之地甚大。亦可各立一都。苟其欲立教都而有成。自必於孔教爲有益。蓋政治之都。以利權爲淵藪。以威力爲控制。

故雖不嫌其多而難於多。宗教之都。除歷史地理有特別關係者外。端視乎其人之昌教何如。故較易於多。漢宋之講學大師。雖無權無利。而所居成都。其于前固無所承也。故中國自今以後。苟得千百之教都。則孔教大明。眞所謂門成鄒魯者矣。夫教主之精神。寄于經典。而傳諸其人。非獨寄於器物而傳諸子孫也。今以孔氏子孫所居之地。而有孔宅之名。又以至聖衣冠會葬於此。而有衣冠墓之名。乃至號爲小闕里。而動人之崇拜敬慕。嗚呼。非聖人而能若是乎。然則讀聖人之經。而爲聖人之徒者。安可不聞風興起。自勉自任。以直接教主之精神乎。蓋聖人之衣冠不可再得。而聖人之經典。可多寫多印。而人手一編。聖人之子孫。關乎血統。而聖人之徒。則凡拜聖讀經祀祖者皆是也。明乎此。則吾儒之所以自任者。不得不重。而無地不可

作孔宅觀矣。陳煥章曰：我國之聖廟，大抵皆官立者，否亦略兼公立之性質耳。二千年來，絕少私立之聖廟也。雖孔氏子孫，除曲阜之林廟外，亦不過在蘇州有闕里分祠，在衢州青浦均有家廟而已。夫以二千餘年之教主，而吾教徒乃無私立之聖廟，可恥孰甚。况官立者，亦不過每縣一廟，雖城內外猶不能徧。何論于鄉村市鎮，更何論于其闕廟而不開，此無他，吾國以孔教爲國教，故尊聖之事，悉以付諸政府，而國民反不與焉。此亦尊之太過，而國民未盡其責者也。然吾國民豈真無私立之聖廟也哉？彼書院學塾之崇奉聖師者，固已舉私立聖廟之實矣。吾常謂孔教合宗教與教育爲一，而以學校爲教堂，豈不然哉？且孔教以孝爲本，故族制之發達，爲萬國冠。其宗祠之制，實有教堂之性質焉。蓋祀祖爲孔教之特別教儀，則其舉行教儀

之所卽教堂也。今誠欲昌明孔教。則凡城鄉中祖祠社學之屬。皆當恭設聖牌或聖像而瞻拜之。且講經焉。吾昔在高要創昌教會。卽設聖位於硯洲鄉之陳氏祠。繼又設聖位于紐約之中華公所。後又設聖位于硯洲書院。去歲冬至。且在硯洲南郊高築天壇以祠天。而推聖師以爲主。以實行公羊無主不止及中庸配天之義。今春在鄉建勵剛家塾。以祀先君麗江公。並及三代。則又特奉昊天上帝與三聖先師之牌位而崇祀之。以創尊天尊聖尊祖之儀。而爲三本一堂之制。皆此志也。今國人莫不有家。家莫不祀其先人。蓋報本之教然也。然曷不推大報本之義。而宗祀孔子于家。以配上帝。且以時讀經。以爲安身立命之計乎。誠如是。則家家皆有一孔教堂。處處皆有無數孔宅矣。吾國之俗。每有書天地君親師五字而供奉之者。然則在家

中祀天配孔雖爲創典。其亦有合於舊俗而易行者歟。然此猶就無力以建聖廟者言也。若夫有力之士。苦行之儒。或自建。或募建。皆有功於聖教。彼僧人之力量至微矣。然而自創寺廟而自爲住持。以繼垂于數百年者。不可勝數也。吾儒之徒。其聰明材力。夫豈不僧之若乃二千年來絕少。私立之聖廟。雖有極著名之書院學舍。而無一能繼繼繩繩保存其面目精神。而更昌大之。以至今日者。且自戊戌以後。而全國之書院盡改爲學堂。辛亥以後。學堂之名。又改爲學校。公私騷然。專以改換招牌爲事。而教育之宗旨不定。學校之師生無常。固不待其撤聖牌廢聖經毀聖廟奪學田。孔教之不絕。固已如綫矣。何也。以其無保守之性質也。凡宗教之精神。最重保守。凡一切文明之發達。亦最重保守。有真保守。而後有真進取。若不能保守。而妄以

爲進取者。微論其必不能進取也。即使有所得焉。而初得其新。已失其故。相抵而相消。亦何益哉。近人習爲不祥之言。妄以爲有破壞而後有建設。不知政教之大。是有生命者。當循歷史之自然。以爲進化。固不能鹵莽滅裂。先殺其現在之母。以求其未生之子也。掘苗助長。尙且不可。况盡全國之苗。而芟夷蘊崇之。又行火焉。則雖有極盛之甘霖。其必無救。是故誠能建設。固無所謂破壞。其欲有建設而先之以破壞者。則祇有破壞而已矣。必不能建設也。煥章今日。方欲在北京自建教堂。以開私立聖廟之風。而力未能舉。東木先生乃于孔宅有江蘇支部之設。且擬與浙支部領袖姚菊坡先生聯合江浙同以孔宅爲會所。是誠善于以建設爲保守者。乃真能進取者也。江浙人才極盛。又得二先生提振之。將來東南之教。都其不可限量矣乎。二

先生與煥章皆同爲孔教會之發起人。且同爲總會幹事。共事已久。感佩殊深。今秋煥章返京。道經滬上。幸得與菊老相見。而東老自去春一別。未嘗聚首。昨承寄示所編孔宅詩第一第二兩集。且云第三四集不日續出。屬爲之序。煥章讀之。喜其特闢教都。咏歌聖蹟。以增益吾教之文獻也。故不揣固陋而爲之。又以久不相見。所懷萬端。故下筆時不自覺其言之冗雜。至于如此。然既已言之。又不忍削去。蓋無意于爲文。而有意于論教。卽欲以此就正于東老。及海內之有心人。也。東老有子曰明輝。字孟壘。能傳其家學。肫篤沈毅。卓然有任道之實。吾教之干城也。東老父子唱和于家庭。而應聲徧于天下。此固由聖教入人之深。亦足見東老提倡之力也。夫孔子二千四百六十年。有六年十月之望。高要陳煥章謹序于北京衍聖公府之孔教堂。時

上海海甯路孔教會事務所開幕後之第三周年也。

附錄孔教會開辦簡章 民國元年

- 一、定名 本會定名為孔教會。
- 二、宗旨 本會以昌明孔教救濟社會為宗旨。
- 三、總會 本會暫設總會於上海現賃海甯路一千七百九十八號為事務所將來或遷於首都。
- 四、支會分會 本會於國內各縣皆設支會。各市鄉皆設分會。於外洋各埠亦設支會分會。其重要地點或合若干支會特設一支會聯合部。
- 五、會員 凡誠心信奉孔教之人。無論何教何種何國。皆得填具願

書由介紹人介紹入會。

六會務 本會會務分講習與推行兩部。

甲 講習部內分四類

子 經學

丑 理學

寅 政學

卯 文學

乙 推行部內分四頭

子 敷教 (講道化民)

丑 養正 (拜聖讀經)

寅 執禮 (考禮正俗)

卯 濟衆 (仁民愛物)

七會規 本會講習部以朱子白鹿洞學規爲規則。推行部以藍田呂氏鄉約爲規則。

八會期 本會每年開全國大會一次。在大成節前三日開會。明年當開第一次大會於闕里。嗣後每年大會地點皆於前一年擇定。本會每月朔望各開常會一次。

九會費 凡入會者每人納入會費一元。凡會員每年納常年費一元。凡會員於常年費外捐助款項及非會員而捐款贊助者。本會均極歡迎。其捐款至一百元以上者。照外國來福美伯(F. B. Member)之例。作爲永久會員。免納常年費。

十職員 本會費用以節儉爲宗旨。職務以簡要爲宗旨。總會開始

先由發起人中推舉幹事五員以執行會務。

十一附則 以上是開辦簡章詳細章程。隨後續定其各支分會之

細則及應否減收會費之處由各支分會自定。

孔教會發起人沈會植朱祖謀王人文梁鼎芬陳三立張振勳沈守廉姚文棟姚丙然陳作霖沈恩桂麥孟華陳煥章

附錄長甯張吾軍致曲阜孔教大會書 癸丑中秋後三日。世界宗  
教會主任姚東木以其子明輝赴曲阜孔教大會。午後將首途。晨與  
諸同人致書促吾軍建議以獻。遂手書變通三年喪制暨建立孔教  
統系大問題。交與明輝捧呈。當邀貴會公議解決。然區區之懇所欲  
獻議於貴會者。不知凡幾。以采薪初愈。不克趨前襄禮。日夜神飛。闕  
里。恨不得趨踰於諸君子之後。寸心耿耿。無可自明。乃口授門人陳

祺昌錄稿郵上統請公決。

一定名。自荀子以仲尼爲大儒。後人遂稱孔教爲儒教。以孔附儒。甚無謂也。莊子稱儒墨爲禹後。是儒墨並行於夏商。至周公乃以儒爲國教。故周禮地官兩言儒。孔子生周。自不能逃於國教之外。然實未嘗有一言自名爲儒。斷不能混儒爲孔。莊子尊尙六經。稱孔子爲素王。又贊以神明天地。而獨呵斥大小儒。詩禮口珠之僞。且醜毀儒。而實以伸孔焉。漢高罵儒。至溺儒冠。嫉儒極矣。而首以太牢祠闕里。亦不視孔爲儒。雖論語有君子小人儒二語。然以子夏文學的是儒家。故孔子與之言儒。蓋及門弟子九流學派俱全。不應舉一儒以概之也。吾軍於光緒二十五年己亥六月登淮南聖人山。拜孔子像。發起孔子新教。撰新教編行世。謂孔教爲中

華國教百世不惑無新舊之可言所謂新教者別於儒教而定一尊也。又謂我國凡識國文者皆國教中人。國教宜國民自主不賴國家代謀。可以自定教規。遍行全國。方得實踐。夫婦之知能焉。先是二十三年丁酉秋八月。南洋羣島華僑建孔教堂。舉教士日講論語。適有莫班二商人至堂聽講。十餘日後。上堂求我教士授以教規。自願奉教。我教士無以應。吾軍乃創東魯福音一卷以貽之。建孔子配天之議。謂堂中宜供昊天上帝牌。以孔子爲配位。方可屈西人之膝。而吾道可以西行。甲辰春。闈赴汴梁。與各省公車商確實行孔教之法。綜孔教新編東魯福音。掇其大要。撰孔教宗旨。每一卷。卷內仍題曰孔子新教。於黜儒尊孔以孔配天二說。言之頗詳。其時清禮部侍郎山東王季樵主講。信陵書院永城呂扉青

京卿主講明道書院。滑縣宿學郭麟浩秀才亦來見訪。三子爲人望所歸。遂以拙著質之。皆極贊許。乃刊印萬餘冊。遍送各公車。以及其餘。敬求全國人之公決。自是以後。海內雖無人顯斥鄙議爲非。然有謂孔子自言從周。周以儒爲國教。孔教卽是儒教者。有謂儒教量狹。至孔子而始推廣。儒教者。雖各自成一家之言。似皆不信我孔子天生大聖神。可爲世界大教主也。惟湘潭王闈運井研。廖平兩經師。頗以鄙見爲然。廖平余未見。其門人何光國會向言之。並請受業。閩運癸丑春到滬。於世界宗教會演說。亦主張鄙議。謂別孔教於儒教之外。方能尊孔以維持世道人心。爲當今之急務。不識貴會以爲何如。

二晰疑 當今衛道之士。惑於日本宗教新名辭。遂謂孔子非宗

教家凡尊孔結社者宜曰孔道孔學不可曰孔教不知日本宗教二字沿用我六朝佛學宗教律派別之名宗謂參禪教謂說法律謂守戒今我國僧家大叢林中仍衍二派衣鉢日本佛學隋唐時由我國傳去今截去律字不用而專以宗教泛稱世界各教謂其教爲道德之宗也必避宗教之名徑謂孔不得稱教毋乃因噎廢食乎況孔教明列四科本不與各宗教相類然德行一科實涵有宗教旨趣去年世界宗教會有人演說謂宗教篤信鬼神好言生死以季路問事鬼神與死而孔子所答專注事人知生此爲孔非宗教確據吾軍繼辨之曰孔教全體大用不能執一說以標題若專據季路章問答立說所問事鬼神答以焉能事鬼而不兼及神是抑人鬼而尊天神也所問者死答以未知生焉知死明明言

能知生所自來方能知死所自去耳。此章確總括各宗教源流。烏得謂孔教無各宗教之理哉。聞者鼓掌稱是。然無論孔教是宗教與否。以中庸修道謂教一言決之。則宜定名曰孔教。不得以宗教爲疑。況世界日趨大同。各國禱其教主始有跪拜之禮。餘則否。我國今已議廢拜跪矣。若不稱孔教。是謂我孔子非教主。不得同各宗教具拜跪之儀也。忍乎。辛丑歲太原新訂傳教新章。由教士手創。載有讀書士子奉耶教宜兼拜孔子。以免長其矜心。此耶合化於孔之漸。今保存祀孔拜跪。卽孔教西行一大問題也。胡何疑。

三。配天 配天卽配上帝也。惟六經所稱上帝。漢儒沿漢祀五帝之制。漫以五方上帝訓之。不知高祖見秦時祀四帝。遂大言曰。吾聞天有五帝。秦祀四帝。何也。待我而五矣。遂立赤帝祠。據此觀之。

是祀五帝爲漢高欺己欺人特創新制。非六經本文。此議詳載孔教宗旨銛述略上篇。謂必解決此大問題而後可據配天之說於孔教堂供上帝神位以孔子配之。如是而孔教乃可普及於世界。自建此議後有人奏清廷升孔子爲大祀。雖曰配天。然而不親。究非建議之本旨也。嗣於辛亥臘月具摺請袁內閣代奏勸清帝遜位。卽兼請定孔教爲國教。並擬具行教簡章。有言旣定國教。國中徧設國教堂。不曰孔教堂。堂中供昊天上帝。配以孔子。男女皆可入堂禮禱。而傳教外洋。始稱孔教堂。或稱中華國教堂。總以祀帝配孔爲蠲洽五洲之術。此配天一義。含孕者宏。急宜詳慎決議。而後孔教可以實行。

四求是 六經爲天下萬世立法。其微言大義。如日中天。江海地

潭以至一溪一澗一盂之水。無不印日。指所印之日爲日者。非必指所印之日爲非日者。亦非孟子所謂聖之時聖而不可知之謂神也。自戰國至今。言孔者皆印日者也。非日又豈非日乎。有疑孔教爲高遠者。是不知所印之日固在水也。有謂孔教爲庸近者。是不知所印之日尙麗天也。然則我以浮廓之文詞淺陋之智識。欲發揮孔教。不似太山之礪磬乎。思之思之。重思之。仍以孔子之言求孔子。曰立天之道曰陰與陽。立地之道曰柔與剛。立人之道曰仁與義。必合三才之撰。庶幾世界各科學可以殊塗同歸矣。

五務實。中庸位天地育萬物。是孔教爲三才該備之教。然非空談理論也。孔子言形而上者謂之道。形而下者謂之器。器卽寓於道之中。其言精博。不可求之一隅。然以一隅求之。亦無不合。猶憶

乙巳歲手製電化器十餘件。呈驗農工商部。副之以電化圖說。其引經釋電有云。坤闔乾闢。一闔一闢。謂變。請以電針試陰電線。則吸之使近。此坤之闔也。以電針試陽電線。則拒之使遠。此乾之闢也。以陰陽兩線。展牽則成電。卽一闔一闢所由變也。他所引釋約三千餘言。不能具述。嗣在京有人刊此圖說。余復廣徵西人天學。撰孔子天學公據一卷。附之以傳。去歲宗教會演說。亦會及之。自知於孔教壤流無益。海山然求孔教於實用。則固三十年來如一日。而曾不能窺孔教毫末也。今四方君子咸臨盛會。望從實著議。於孔教德禮而外。闡發孔教。所以致富強者。昭示來茲。庶不蹈各宗教前車。竟爲科學所詬厲乎。

六自任 耶穌創教後。其教徒嗣其教。統被殺者十九世至二十

世而教統乃確然成立。報載北京所訂憲法已定孔教爲國教。是亦行孔教之一助。然孔教爲國民之孔教。不在行政範圍。可恃而不可恃也。望諸君子以明通公溥之心。強毅堅固之力。個人直下承擔。視孔教爲性命。不釣虛譽。不尙空文。如耶教徒十九世被殺。不畏之決心。以勇往直前。共謀孔教統系之確立。十年二十年間。謂孔教不貫徹全球。其誰信之。

投穢以汙東海而不能汙。呼雲以蔽秋陽而不能蔽。以區區蔑德棄禮無足重輕之時論。而欲汙蔽我孔教能乎。匪惟不能轉。因此而孔教且益大益明。將以覆被環瀛。成血氣尊親之盛事。自漢初太牢祠闕里以來。從未有聚九州教徒。同升闕里之堂。而協議實行孔教者。向以今秋八月聖誕獨創此舉。則以時流排孔反動力爲之也。故踰

踰濟濟。全集聖地。與尋常集會不同。直爲孔子生後二千四百六十四年第一大和會。凡與會者。崇論宏議。必可振響於當時。以橋小儒之舌。何俟鯁生獻言。然管見所及。竊謂孔子以素王爲世界大教主。欲拓張孔教範圍。以普及於世界。不在空言而在實行。以世界眼光而議行孔教。其最難最鉅十餘問題。非俟期年後徵諸全國之同意。再集大會解決。恐不足以壓天下之人心。吾軍於前月中旬。在日本康有爲寓廬。會舉三年喪制一問題相質。謂非據經說變通。欲推行孔教於五洲。必多窒礙。彼此協議三日而不能決。況其他乎。今日急務。似宜首先謀立孔教統系。以爲實行之基。蓋孔子創教。在回耶之前。今中國有回教耶教。而我粹美優尙之孔教。乃不行於彼都。何哉。以無統系之故也。南華經稱孔子爲素王。今請公議。進衍聖公爲衍

聖王。又舉衍聖公襲孔子之教主。或稱主教。或稱教督。此兩問題能解決。則孔教有統系。而後再集大會。以議行教規條。定曲阜爲總會。於北京上海設兩機關副之。庶幾泉源不涸。導之可匯。洪流以太。雖微釀之。遂充兩大乎。去年上海姚東木發起世界宗教會。吾軍首建此議。經衆公決。遂書致衍聖公。復書遜謝。東木嗣君姚明輝。原爲世界宗教會書記員。今赴曲阜大會。於其啓行之晨。同人復敦促獻議。託明輝捧呈。敬求大會公決。抑又有說者。世界宗教會主任雖遵中庸。並育並行之言。時時集議各宗教。然以孔教爲中心點。欲以蠲洽世界也久矣。萬一有執孔子非宗教以相難者。請觀今日之世界。

創立尊孔女塾議

民國五年丙辰

啓者古學荒蕪已甚。國教將頽。同人憂之。爰擬廣設尊孔女塾。以昌正學。而明經術。自一塾二塾。推至千萬塾。爲母教植其基。卽爲國民正其趨也。諺曰。女子者國民之母。挽頽俗而臻郅隆。於女界有厚望焉。此啓。

本塾宗旨以尊孔爲主。但尊孔必尊經。故通一經爲先。得十三人可通十三經矣。轉相孳乳。一傳十。十傳百。百傳千。可得百三十千三百萬三千人矣。女界之繁榮。聊以補男界之荒陋。庶天經地義得以常昭。而人類亦不致盡滅也夫。

本塾功課。凡設三科。專經爲一科。不限何經。擇性所近者習之。除涵泳經文外。用講解參稽兩法。講解欲明微言大義。參稽欲知衆說異同。凡經注經說分作四層。取便檢閱。且易記憶。一兩漢及魏晉。一六

朝至隋唐。一宋元明。一清之漢宋兩派。每日講解兩小時。誦讀兩小時。餘則瀏覽或休息。又理學爲一科。先明四書大意。繼辨析程朱與陸王之異同。後乃徧參宋元明清諸儒學派之流別。時間全上。又古文爲一科。古文之名起於六朝以後。界畫宜清。而其實從六經諸子中來。則宜導其源也。根柢不可不深。流別亦不可不審。博覽之法。或斷代。或分地。或蒐羅專家別集。歷朝文運之盛衰。各地文風之高下。各家文派之異同。無不了然心目矣。時間全上。

本塾教法。始則由淺入深。終乃由博返約。當夫衆說紛羅。如萬花齊放。雖繁而有秩序也。泊乎驪珠獨得。如千川一月。雖簡而無遺漏也。源流必詳。表裏洞澈。一堂之上。而四海如在腕底。一日之間。而千秋森列目前。蓋通經之功效。一書可括千百書。一科可賅千百科。由古

以及今。由中以達外。經權常變。無不適宜。故曰通經致用也。女子參政之基礎。此爲最上矣。至於講法讀法參攷法。各經不同。塾中另有課程單。

本塾先設第一塾於南翔鎮南大街古學保存會內。附有圖書館。主任姚東木。監學周佩宜。

附錄世界女子協會啓。本會前於庚戌年金陵開勸業會時發起。原章分爲六門。曰研究科學。曰保存古學。曰興辦實業。曰提倡美術。曰講習家政。曰家庭教育。上海姚東木先生令妻嘉定周佩宜女士亦本會原發起人。東木先生幼從興化劉融齋宮允受宋學。嘉善鍾子勤孝廉受漢學。通兩家之郵。無門戶之見。中年游歷東西洋。徧與其學會。所得益閎。肄令妻周佩宜女士嘗彙古本論語二十餘種。校

其同異加以疏證。課子成書。海內女界如有熱心孔教會讀經好作文者。務請通函入會。以敦古懽。兼備塾師之選。緣尊孔女塾自東木先生倡議。立定簡章。設立第一塾。而後源源推廣各地。則本會願任其事。故塾師之預備。多多益善也。所望女界同志。聞風興起焉。

附錄周夫人論語古本考異序 曩志梁夫子在日本。得羣經古本。多係隋唐所遺。有溢於山井鼎物觀等所見之外者。佩宜於丙戌春。在上海教兒子明輝讀論語。以篆字本授之。欲其知形聲訓詁之學。今夏在槎溪新居。復督明輝溫習論語。因取日本諸古本。按其同異。參以翟氏四書攷異。阮氏論語校勘記兩書。而凡說經諸家攷證之辭。亦附焉。夫形聲訓詁之學。爲識字所必資。而校勘攷證之學。亦讀書者所不可廢也。明輝其識之光。緒甲午五月。嘉定女士周佩宜書。

於樸學齋

論語金科跋語 民國十四年乙丑

天既生人。欲其做好人。聖賢教人讀書。無非欲其明理。是爲善於承天。不謂今世學術全乖。讀書種子將滅。胥天下聰穎子弟。盡誤於妄庸人之手。如擲之苦海。萬劫不復得出。甚足悲也。欲挽此浩劫。惟有勸令讀經爲自拔之計。果使經術大明。則道統治統聖功王道一以貫之。非徒保身保家而已。昔儒云。四書爲六經階梯。小學近思錄爲四書階梯。予既定弟子規。小學韻語兩書作啓蒙讀本。復編選論語金科。以爲聖門入德之初步。選題以八德爲綱。所編講義。取其書理易明文法易明者。俾父師易於教。子弟易於學。庶幾易於風行。蓋學

校廢經非不知經之可貴也。起於苟安畏難之一心。苟使教員學生皆知其易而非難。則亦何樂而不爲乎。卽或有所阻撓。則賢父兄之愛其家族中子弟者。鄉先生之愛其里中子弟者。決不忍坐視其淪胥而不加以援手。課餘校中。隨地隨時。皆可令其補習。況青年子弟。苟知自愛。亦不難無師自通。太平之基。卽始於此。見此書者。幸毋交臂失之。

普勸世人讀經啓

民國十四年乙丑

承平之世。盈天地間。皆讀書聲也。比戶編氓。雖有士農工商之不同。而其爲童子時。鮮有不讀書者。其所讀之書。未有不先之以四書五經者。此天地間之正道也。歷代帝王聖賢相傳之正學也。學術正而

后心術正。心術正而道統治。統皆得其正。然則讀者求正己。教者兼正人。其意之所注。無非先正其心。以正人之心而已。一教師之室。聚讀書童子不下數十人。合一邑計之。則千萬人。合天下計之。非算數所能盡。每日讀書之聲。盈天地間。又有不廢夜讀者。此豈皆惡聲乎哉。實乃天地間之正聲也。書曰。聲教訖於四海。此聲當居其一。其爲教術之正。可知。書聲所發。噓氣成雲。則爲祥雲。是亦天地間之正氣也。不讀書何來此正氣哉。先儒有言。吾之心正。則天地之心亦正。此僅就一人言之。而天人合一之理。已見。況乎盈天地間。皆正聲所摩盪。而正氣亦與爲盤旋。天地之心。豈有不喜悅者。而世亦豈有不承平者乎。吾因盼切承平。深有羨乎曩昔之讀書聲。故欲廣勸世人。復四書五經。仍其舊貫也。乙丑十二月上浣。姚文棟稿於西湖韜光之

景雲先生苦口文

誦芬軒時年七十有四

## 泰西政要後序

光緒十六年庚寅即民國紀元前二十二年

自吾游歐洲探其政教風俗而後瞿然以恐也夫歐洲之廣不及亞洲四分之一計其幅員未與吾中國相埒而其間大國六七小國十餘附庸之國數十然則其大者不過當吾一二行省小者當吾數州縣而已其山不甚高又無長江大河非有山水鍾毓之奇也其地力甚薄其物產甚歉凡斯民利用厚生所資皆不如中國遠甚然而起視其民以與吾民相繫量則彼之民勤吾之民惰彼之民儉吾之民奢彼之民勇吾之民怯彼之民智吾之民愚夫以奢且惰之民當彼勤且儉之民以愚且怯之民當彼勇且智之民其不敵明矣今夫鄉閭之間其子弟之奢且惰者未有不爲勤且儉者所兼并也愚且怯

者。未有不役屬於勇且智者也。夫國所與立者民也。民之於國猶子弟也。由此論之。國有奢且惰之民而不爲人所兼并者幾希矣。有愚且怯之民而不至役屬於人亦幾希矣。此吾所以瞿然而恐也。嗟夫。以彼諸國大者不過當吾一二行省。小者當吾數州縣。宜若可以爲吾兼并而役屬於吾。卽不然亦不足爲吾患者也。而乃越數萬里而來。與吾相抗衡。且有凌而上之之意。而吾方應接之不暇。惟恐拂其意焉。若使吾之民亦如彼之勤且儉也。亦如彼之勇且智也。則是以大臨小。吾不必制挺以撻之。而彼已望風景附矣。今夫中國之人。未有不知歐洲諸國之富且強也。而亦知其所以致此富強者。果何術歟。蓋彼所以爲富。恃有此勤且儉之民。彼所以爲強。恃有此勇且智之民。而其能使民勤且儉以致富。無他。修養民之政耳。其能使民勇

且智以致強。無他。修教民之政耳。然則富強之基。豈有異術哉。教養兩言盡之矣。今試與觀歐洲諸國。舉國之民。無人不學。而其學皆有用之學。夫安得而不智。舉國之民。無人不兵。童而習之。更番而訓練之。夫安得而不勇。舉國之民。苟不爲農。則爲工。苟不爲工。則爲商。地無遺利。人無游手。物無棄材。夫安得得不富。農所出者。工以爲資。工所出者。商爲之轉運。而學士研窮其理。以開農工之原。四民迭相爲益。夫安得而不強。夫三代以來。聖賢所爲兢兢念斯民者。亦曰教養而已矣。是故民之有待於教養。古今一理也。中外一理也。曰農政。曰工政。曰商政。此歐洲諸國所以養其民也。曰學政。曰兵政。此歐洲諸國所以教其民也。教養之政。如斯而已。惟是世運推遷。風會所趨。日新而月異。是以有格化諸學。以闡天地之蘊。有水火氣電諸法。以利

民物之用。要亦充乎教養之極致耳。世之迂儒。狃於一偏之說。而不觀其通。坐聽其民之習於奢惰。安於愚且怯焉。而猶羞言富強。吾懼其將蹈南宋前明之覆轍也。或又有舍教養以圖幾於富強。本已撥而欲強其枝。棄其精於取其粗。吾又知其流弊將同於日本也。此皆所謂大惑者也。讀是書者。可以憬然悟矣。大清光緒十六年歲在庚寅夏五月。上海姚文棟書於柏林使館。

# 景憲先生苦口文附錄

救時芻言

光緒七年辛巳即民國紀元前三十一年

今天下有外病四。內病二。皆隱憂之大者。外病如風寒暑溼。襲入於內。則不可治。內病蘊於肺腑。不弭之於未形。將至萬難收拾。外病者何。俄羅斯也。日本也。西南邊外之英吉利法蘭西也。俄羅斯之病。蒙古新疆吉林黑龍江受之。日本之病。朝鮮受之。英吉利之病。雲南西藏受之。法蘭西之病。廣西雲南受之。俄羅斯之病。逼近腑臟。俄人足跡已徧於關外也。日本之病。來自腰脅。朝鮮憑弱。恐蹈琉球之覆轍也。英吉利盤踞緬甸。法蘭西盤踞安南。猶病起足腿。流毒將及於胸

腹也。然此四病者。內充其氣體。外謹其防護。則不至有膏肓之憂。道在尊生慎疾而已。內病如痰飲爲患。不以驟祛。必挾養正氣充足。使積痰漸化爲精氣。而後可以無恙。一或不慎。痰氣上壅。一寸之喉塞。而呼吸爲危矣。一曰伏莽之民。夫唐以前之米賊。明季之流賊。本朝嘉慶時之教匪。咸豐時之粵匪。其始賊皆民也。嘯聚旣衆。終釀大患。今湖南有哥老會。金錢會。半錢會。廣西有清平會。沿江一帶有安清道友。江西有齋匪。人數皆以萬計。素有不軌之意。所賴長江中有大支水師。隔絕南北。奸匪呼應不便。是以憚不敢發。然各省陸營空虛。終憂無備。且敗羣之羊太多。良民恐被誘脅。亟宜慎選牧令。整飭吏治。令民無困於衣食。自不致果敢爲非。教化大行。則可冀其革心向善。故開荒保甲。鄉約義塾等事。各省眞能實心舉行。卽潛移默化之

道在是矣。一曰橫議之士。夫人才貴有實用。不貴空言。南宋諸儒。聚徒講學。無補於宋之亡。明季諸儒。聚徒講學。無補於明之亡。道學且然。況一無根柢者乎。今京師名士如鯽。一唱羣和。其長技在詞章訓詁。而好談論當世之務。朝廷聽之。則撓亂國是。朝廷不聽。則託爲清議。嗷嗷力爭。揆其實在。無體國經野之猷。無補袞拾遺之益。此殷浩王衍輩之復見於今日者也。夫民必輕官長。而後敢妄爲。士必輕朝廷。而後敢妄議。今當爲天子慎擇講官。爲國家慎擇九卿。爲京師直省。慎擇主考學政。堯舜在上。則靜言之。共工自不敢肆矣。九卿皆正人。則辯言之少。正卯自斂跡就範矣。登進明體達用通今學古之士。則空疎大言者自愧。而還奮於實學。夫外省有伏莽。治道之病也。京師有橫議。人才之病也。化莠民爲良善。化空談之士爲實用。此當今

之要務。宰相調燮之事。所必先焉者也。

# 景憲先生年譜略

清咸豐二年壬子。即民國紀元前六十年。先生生於上海縣城西門內大街孔家街口西祖宅。同治五年丙寅。即民國紀元前四十六年。先生十五歲。入上海縣庠。同治十三年甲戌。先生父諱元滋以舉人大挑。知縣署浙江富陽縣知縣。先生從宦富陽。光緒元年乙亥。先生丁外艱。富陽公政績詳載光緒杭州府志暨富陽縣續志名宦傳。光緒六年庚辰。即民國紀元前三十二年。先生北游入京教讀。光緒七年辛巳。即民國紀元前三十一年。出使日本國大臣黎庶昌氏讀先生舊作籌邊論九篇。因識先生。奏派爲使館隨員。冬十二月東渡。抵日本東京。光緒八年壬午。先生弟諱文枏舉優貢。朝考

一等欽用知縣。十一年乙酉中江南舉人。光緒十三年丁亥。即民國紀元前二十四年。出使俄德奧和國大臣洪鈞氏讀先生新著俄羅斯屬地西卑利亞新造鐵路圖說。奏調隨使俄德。冬十一月抵德京柏林。光緒十七年辛卯。即民國紀元前二十一年。出使英法義比國大臣薛福成氏札委先生考察印緬商務查勘滇緬界址。由英法至印度緬甸。由緬甸經野人山入雲南。奉雲貴總督王文韶氏奏留委辦邊務。是時先生以出洋勞績累保至候補道加二品銜。光緒十九年癸巳。即民國紀元前十九年。冬。先生由雲南經貴州湖南至湖北。明年春。由湖北歸里。僑居嘉定縣南翔鎮。光緒二十年甲午。即民國紀元前十八年。先生立經學會。會所設南翔鎮南街住宅。光緒二十一年乙未。即民國紀元前十七年。兩江總督張之洞氏

徵先生出山。以廷旨令東南四省合力禦外。檄赴臺灣。奉臺灣巡撫唐景崧氏委辦防務。及馬關和約割棄臺灣。助唐總統立臺灣民主國。不成。旋奉張之洞氏咨送總理衙門報告臺事。光緒二十二年丙申。卽民國紀元前十六年。總理衙門王大臣聯名奏保先生出使人才。並以先生所著洋務邊務書籍隨摺進呈。京朝清正大僚張英麟氏等奏保先生人才凡十數起。奉旨交軍機處存記。又奉特旨發北洋委用。光緒二十四年戊戌。卽民國紀元前十四年。兩江總督劉坤一氏湖廣總督張之洞氏廣東學政張百熙氏順天府尹胡燏芬氏等京外大僚奏舉先生經濟特科者數十起。未應試。會德宗銳意圖治。擬開懋勤殿論政。德宗親選懋勤殿十友。先生列第五。旋以朝局有變。未果。光緒二十六年庚子。卽民國紀元前十二年六月。

大學士榮祿氏密委先生南下迎接李鴻章氏北上。先生由拳匪區域中經直隸山東陸行至上海。李鴻章氏已航海北行。聞李鴻章氏方倚重袁世凱。稱病不出。光緒二十八年壬寅。即民國紀元前十年。山西巡撫岑春煊氏奏調先生開辦全省學務。委先生督辦山西全省學務。處兼山西大學堂督辦。光緒三十二年丙午。即民國紀元前六年。先生由山西歸里。江蘇提學使周樹模氏聘爲江蘇學務議紳。先生創立上海佛教公會。會所設靜安寺。光緒三十四年戊申。即民國紀元前四年。先生創立江蘇第一圖書館於上海西門內關帝廟。宣統元年己酉。即民國紀元前三年。兩江總督端方氏聘先生爲江蘇全省優初兩級師範學堂監督。先生與餘杭褚成博。元和鄒福保諸氏立古學保存會。宣統三年辛亥九月十五日。江蘇

巡撫程德全響應革命爲江蘇都督。先生由省城蘇州歸家。住南翔鎮。民國元年壬子。先生六十一歲。正月。與雲南黎炳南山、東陳治鎬立世界宗教會。會所設江蘇第一圖書館。五月。立尊孔會。會所設上海文廟。八月二十七日。與厲滄遺老沈會植、朱祖謀、王人文、梁鼎芬、陳三立、陳煥章諸氏立孔教會於上海山東會館大成殿。九月二十二日。在美國李佳白氏所立上海尚賢堂內。中外教務聯合會演講孔子爲中華四千年文明之代表。民國二年癸丑八月二十七日。孔教會第一次大會於闕里。先生遣子明輝代表詣闕里赴會。民國三年甲寅八月二十七日。先生率子孫詣青浦小闕里祭聖。設孔教會江蘇支會。民國五年丙辰。先生與德配周夫人立尊孔女塾於南翔。民國八年己未正月。先生奉九旬壽母濮太夫人舉行

五世同堂家慶於南翔住宅七慶堂。民國十年辛酉先生丁內艱。民國十一年壬戌先生與金壇馮煦奉化孫鏘諸氏立尊倉會於上海城內喬家柵。民國十三年甲子先生與蘇州曹元弼汪鍾霖王德森諸氏立國學保存會。民國十四年乙丑先生重游泮水。民國十八年己巳八月二十六日先生卒於南翔住宅壽七十八。門人私諡景憲先生葬嘉定縣安亭車站東北菖蒲瀆之西原。

# 景憲先生全集總目錄

東吳學舍十六種

民國紀元前四十五年  
至三十三年所輯著

國朝經傳注疏二函凡四十種

讀經天文薈要八卷

讀經地理薈要十二卷

石經彙函

羣經古序二卷

經解提綱十四卷

性理通釋六卷

景憲先生苦口文

兵法溯原四卷

方輿形勝敘概十八卷

抱膝廬筆談一卷

本朝掌故葺聞二卷

春暉樓掌故叢輯八集五十六種

趨庭稿一卷

練祁文編六卷補三卷續補一卷

江左同人集五卷

外編四卷

春明十二種

民國紀元前三十二年三十一  
年所輯著

帝京形勝考二卷

軍機故事二卷補遺一卷

西陲彙要一百四十卷

增訂北徼彙編四卷

外蒙古喀爾喀四部圖說一冊

塞外金石記四卷

海運彙編二卷

俄約彙編三卷

蘇園雜著二卷

蘇園日記二卷

皇朝藩部要略十八卷又世系表四卷

景濤先生苦口文

景齋先生苦口文

青海考略二卷

東槎三十種民國紀元前三十年至二十五年所譯著

日本地理兵要十卷

日本國地志十卷

日本藝文志六卷

日本會計錄四卷

日本火山溫泉考四卷

日本海陸驛程考八卷

日本礦產考

日本東京記一卷

日本近史六卷

中東年表一冊

日本氏族考

日本古今官制考

日本經解彙函六十五種

日本通商始末二卷

日本文源

日本文錄

海外文傳

日本沿海大船路小船路詳細路線圖六十四幅

琉球地理志三卷

景憲先生苦口文

訂正朝鮮地理志八卷

安南小志一卷

海外同人集四卷

歸省贈言錄二卷

墨江修楔詩一卷

重九登高詩一卷

掘切村觀菖蒲花詩一卷

梅影唱和詩一卷

校正經籍訪古志六卷補遺一卷

東槎雜著二卷續著二卷

俄羅斯屬地西卑利亞新造鐵路圖并說

歐陸八種 民國紀元前二十四年至二十二年所譯著

泰西政要五冊十卷

東西洋國別地理詳誌

地中海沿岸三洲分合興衰考

德意志聯邦內治外交綱要

歐洲戰禍未來之預測

海西文編八卷

柏林觀兵圖題詠一卷

亞細亞同人會照像記題跋一卷

南槎二十二種 民國紀元前二十一年至十九年所輯著

景蕙先生苦口文

印緬紀行四卷

印緬攷察商務記二卷

雲南初勘緬界記一卷

雲南勘界籌邊記二卷

雲南初勘緬界記前編十卷

雲南初勘緬界記正編十卷

雲南初勘緬界記後編十卷

滇緬之間道里考一卷

滇越之間道里考一卷

西南備邊後錄八卷

滇邊土司記三卷

雲南大事記二卷

滇南經世文前編四卷後編十卷

集思廣益編八卷

偵探記二卷

雲南野人山保商營案略一卷

宜園雜著蒙園雜著各一卷

天南文編六卷

天南同人集四卷

辛卯雲南邊事記四卷

滇黔湘鄂贛皖行程記一卷

英人吞緬始末一卷

景蕙先生苦口文

槎溪二十五種前三種民國紀元前十八年著後二十二種民國年編著

論語古讀二卷

孝經鄭注攷實二卷

孝經音義攷證補一卷

孝經講義甲編一卷

孝經講義乙編一卷

論語講義選錄二十卷

讀孟備忘七卷

聖門四要四卷

儒學入門二卷

孔門重小學說一卷

聖誕日禮問一卷

薛文清公讀書錄選二卷

三魚堂文集鈔三卷

孔宅詩四卷

戊午修禊詩二卷

重九唱和詩一卷

吳山梓花唱和詩一卷

綺窗清話補一卷

世界宗教會紀載二卷

句莊鸞壇錄二卷

景衡先生苦口文

上海姚氏承志堂科舉集一卷

上海姚氏承志堂族譜一卷

家慶集四種

槎溪七慶堂祖訓述一卷

槎溪文存未定卷

外集三種

民國紀元前  
十年至七年

山西學務彙編一卷

山西學務創始記四卷

山西農務公牘七卷

九年三月十四日

朱至先生贈

此册非賣品

歡迎翻印  
板藏勸社

# 2

442234